

CORTI, BELLU PAESE MA U TANTU BASTI!

Un' c'è pè i giovani in Corti, nunda d'abastanza interessante : U "Rex" pè beie un caffè è esse a u corrente di certi affari critichi ; e pasticierie pè e bunissime falculelle, è a sera, una si è l'altra no, i balli.

E pè quessa chi ochje in Corti, certi giovani si pruponenu di fà spezie di veghje induve tutti i giovani, vale à di, micca soli i studenti puderanu sprimesi cu mezzi diversi : à chi sonnera un pezzu di ghitarra, di violinu o di trupetta, à chi contera una fola, à chi scimiera à qualchid'unu, à chi fera u teatru...

Ssu prugettu di veghje un n'è anchu tutt'à fattu in marchja. Ci volera truva un lucale è ci volera assai ghjente pè pudelu fà.

Dunque, dumandemu à tutti l'interessati di produsse qualcosa, è si diu vole, Corti sarra anchu più agradevole che cusi.

AFFARE A' SEGUITA...

Ghjuvannina LIPIDI

a sosula di zia Ghjuvè



"I baghi rossi so cascati,
ventu l'ha scutiti prestu ;
Tutti i torduli di l'arestu ;
Senza bucconi so scappati".

(Petru Rocca 1923)

I MERLI IN SALSA

Prupurzione.

Per 4 persone : 8 merli, 4 spichji d'agliu, petruselu, alloru l'uchjaru di struttu di porcu, lardu, vinu rossu, salza (l'uchjaru), sale è peveru.

Pigliate i merli cacighjati 3 ghjorni nanzu.

.../...